

Na osnovu člana 13. stav 4. Zakona o novčanim podrškama u poljoprivredi i ruralnom razvoju ("Službene novine Federacije BiH", broj 42/10), federalni ministar poljoprivrede, vodoprivrede i šumarstva donosi

**PRAVILNIK
O IZMJENAMA I DOPUNAMA PRAVILNIKA O NAČINU
I USLOVIMA OSTVARENJA NOVČANE PODRŠKE PO
MODELU POTICAJA PROIZVODNJI**

Član 1.

U Pravilniku o načinu i uslovima ostvarenja novčane podrške po modelu poticaja proizvodnji ("Službene novine Federacije BiH", br. 60/14 i 75/14) u članu 4. stav (1) tačka (1) u alineji drugoj iza riječi: "stočnog ječma", dodaje se zarez i riječ "zobi".

Član 2.

U članu 5. tačka 1) u prvoj alineji iza riječi mlijeka, dodaju se riječi: "i mliječne krave u sistemu otkupa mlijeka.", a u drugoj alineji iza teksta u zagradi (tov junadi iz domaćeg uzgoja), dodaju se riječi: "i tov junadi od teladi iz uvoza."

Član 3.

U članu 11. stav (1) iza tačke i) dodaje se nova tačka j) koja glasi:

"j) izmirmio obaveze kod nadležne Porezne uprave Federacije BiH za što dostavlja dokaz da nema dospjelih, a neizmirenih obaveza za prethodnu godinu (za pravna lica, obrte i fizička lica) i Uprave za indirektno oporezivanje BiH za što dostavlja dokaz da nema dospjelih, a neizmirenih obaveza za prethodnu godinu ili dostavi valjan dokaz o reprogramu duga (za: pravna lica, obrte i fizička lica koja su u sistemu PDV-a), odnosno dokaz da nisu u sistemu PDV-a (pravna lica i obrt)."

Iza stava (3) ovog člana dodaje se novi stav (4) koji glasi:

"(4) Klijent - fizičko lice ostvaruje pravo na novčanu podršku do maksimalnog iznosa od 6.000,00 KM u periodu od 01.10. prethodne do 01.10. tekuće godine."

Član 4.

Član 13. mijenja se i glasi:

"Član 13.

Proizvodnja stočnog ječma, zobi i tritikale

- (1) Pravo na novčanu potporu za proizvodnju stočnog ječma, zobi i tritikale ima klijent koji pored općih uslova propisanih članom 11. ovog Pravilnika ispunjava i sljedeće posebne uslove:
 - a) da ima najmanje 1 ha zasijanog ječma, zobi ili tritikale,
 - b) da po jednom hektaru zasijanog ječma, zobi i tritikale, korisnik koji proizvodi za svoje potrebe u uzgoju ima najmanje 4 goveda; ili 20 svinja, ovaca ili koza (kategorije iz Obrasca 4 RPG i RK) u vrijeme sačinjavanja zapisnika o proizvodnji, osim za klijenta koji proizvode za tržište, za što dostavlja dokaz o prodaji najmanje 3,0 t/ha ječma, zobi ili tritikale,
 - c) podnese prijavu početka proizvodnje kantonalnom ministarstvu na Obrascu P-1, ažuriranu listu korištenja iz RPG-a i RK najkasnije do 15.05. tekuće godine, koji se ulažu u predmet.
- (2) Ovlašteni službenik od strane kantonalnog ministarstva je dužan u toku vegetacije, a najkasnije u roku od 30 dana od dana podnošenja prijave početka proizvodnje izvršiti obilazak mjesta proizvodnje klijenta, sačiniti zapisnik o zasijanoj površini - Obrazac ZBP i uložiti ga u predmet.

- (3) Za ostvarivanje prava na novčanu podršku klijent najkasnije do 01.10. tekuće godine dostavlja kantonalnom ministarstvu u originalu ili ovjerenoj kopiji sljedeću dokumentaciju (osim za proizvodnju zobi u 2016. godini, za što je rok propisan u stavu (6) ovog člana):
 - a) popunjen Obrazac zahtjeva za ostvarivanje prava na novčanu podršku (Z-1),
 - b) dokaz o kupljenom sjemenu - porezna faktura i fiskalni račun za pravna lica, a za fizička lica fiskalni račun i otpremnicu na ime klijenta,
 - c) dokaz o prodanim žitaricama (za one koji prodaju) u skladu sa članom 11., stav 1., alineja (c) ovog Pravilnika,
 - d) ažurirana lista stoke iz RPG,
 - e) potvrdu o izmirenim obavezama u skladu sa članom 11. stav (1) tačka j) ovog Pravilnika.
- (4) Kantonalno ministarstvo najkasnije do 15.10. tekuće godine dostavlja Federalnom ministarstvu zahtjev i obračun propisan članom 9. ovog Pravilnika, koji sadrži pojedinačne obračune za klijente, na ovjerenom obrascu za biljnu proizvodnju (osim za proizvodnju zobi u 2016. godini za što je rok propisan u stavu (6) ovog člana).
- (5) Uz obračun iz stava (4) ovog člana potrebno je dostaviti i dokumentaciju iz stava (3) ovog člana u skladu sa članom 9. stav (4) ovog Pravilnika.
- (6) Klijenti koji su proizveli zob u 2016. godini, nisu dužni dostavljati dokumentaciju iz stava (1) tačka c) i obaveze iz stava (2), a umjesto toga, kao dokaz kod obračuna zahtjeva će se uzimati podaci iz RPG i RK o prijavljenoj sjetvenoj površini i broju grla. Klijent dostavlja Zahtjev za ostalom propisanom dokumentacijom nadležnom kantonalnom ministarstvu najkasnije 30 dana od dana objave ovog Pravilnika, a kantonalno ministarstvo dostavlja Federalnom ministarstvu u roku od 15 dana od dana zaprimanja zahtjeva. Federalni ministar će formirati stručni tim koji će u saradnji sa nadležnim kantonalnim ministarstvima izvršiti kontrolu ovih klijenata".

Član 5.

Član 14. mijenja se i glasi:

"Član 14.

Proizvodnja silažnog kukuruza

- (1) Pravo na novčanu podršku za proizvodnju kukuruza za silažu ima klijent koji pored općih uslova propisanih članom 11. ovog Pravilnika ispunjava i sljedeće posebne uslove:
 - a) zasije najmanje 2,0 ha silažnog kukuruza,
 - b) da po jednom hektaru zasijanog kukuruza za silažu u uzgoju ima najmanje 4 goveda; ili 20 svinja, ovaca ili koza (kategorije iz Obrasca 4 RPG i RK) u vrijeme sačinjavanja zapisnika o proizvodnji, osim za klijente koji proizvode za tržište, za što dostavlja dokaz o prodaji najmanje 20 t/ha silažnog kukuruza,
 - c) podnese prijavu početka proizvodnje kantonalnom ministarstvu na Obrascu P-1 i ažuriranu listu korištenja iz RPG-a i RK najkasnije do 31. 05. tekuće godine, koji se ulažu u predmet.
- (2) Ovlašteni službenik je dužan u toku vegetacije, a najkasnije u roku od 60 dana od dana podnošenja prijave početka proizvodnje izvršiti obilazak mjesta proizvodnje klijenta, sačiniti Zapisnik ZBP i uložiti ga u predmet.
- (3) Za ostvarenje prava na novčanu podršku klijent najkasnije do 01.10. tekuće godine, dostavlja kantonalnom ministarstvu u originalu ili ovjerenoj kopiji sljedeću dokumentaciju (osim silažnog kukuruza proizvedenog u 2016. godi-

ni, namijenjenog za prodaju, za što je rok propisan u stavu (6) ovog člana):

- a) popunjen Obrazac zahtjeva za ostvarivanje prava na novčanu podršku (Z-1),
 - b) ažuriranu listu stoke iz RPG i RK,
 - c) dokaz o kupljenom sjemenu – porezna faktura i fiskalni račun za pravna lica, a za fizička lica fiskalni račun i otpremnicu na ime klijenta,
 - d) klijent koji vrši prodaju dostavlja dokumentaciju u skladu sa članom 11. stav (1) alineja (c) ovog Pravilnika),
 - e) potvrdu o izmirenim obavezama u skladu sa članom 11. stav (1) tačka j) ovog Pravilnika.
- (4) Kantonalno ministarstvo do 15.10. tekuće godine dostavlja Federalnom ministarstvu zahtjev propisan članom 9. ovog Pravilnika i obračun, koji sadrži pojedinačne obračune za klijente, na ovjerenom obrascu za biljnu proizvodnju (osim za proizvodnju silažnog kukuruza namijenjenog za prodaju u 2016. godini, za što je rok propisan u stavu (6) ovog člana).
- (5) Uz obračun iz stava (4) ovog člana potrebno je dostaviti i dokumentaciju iz stava (3) ovog člana u skladu sa članom 9. stava (4) ovog Pravilnika.
- (6) Klijenti koji su zasijali kukuruz za silažu namijenjen prodaji u 2016. godini nisu dužni dostavljati dokumentaciju iz stava (1) tačka c) i obaveze iz stava (2), a umjesto toga, kao dokaz kod obračuna zahtjeva će se uzimati podaci iz RPG i RK o prijavljenoj sjetvenoj površini i broju grla. Klijent dostavlja Zahtjev sa ostalom propisanom dokumentacijom nadležnom kantonalnom ministarstvu najkasnije 30 dana od dana objave ovog Pravilnika, a kantonalno ministarstvo dostavlja Federalnom ministarstvu u roku od 15 dana od dana zaprimanja zahtjeva. Federalni ministar će formirati stručni tim koji će u saradnji sa nadležnim kantonalnim ministarstvima izvršiti kontrolu ovih klijenata".

Član 6.

Iza člana 26. dodaje se novi član 26a. koji glasi:

"Član 26a.

- Mliječne krave u sistemu otkupa mlijeka
- (1) Pravo na novčanu podršku za mliječne krave koje su u sistemu otkupa mlijeka ima klijent koji pored općih uslova propisanih članom 11. ovog Pravilnika ispunji i sljedeće posebne uslove:
- a) u uzgoju ima najmanje tri mliječne krave u sistemu otkupa mlijeka,
 - b) starost grla u vrijeme pravljenja zapisnika mora biti najmanje 24 mjeseca,
 - c) posjeduje ugovor sa registrovanim otkupljivačem, odnosno prerađivačem kojem isporučuje mlijeko,
 - d) posjeduje mliječni karton na gazdinstvu za svako grlo od kojeg se isporučuje mlijeko otkupljivaču ili prerađivaču,
 - e) provodi mjere u skladu sa Naredbom o mjerama kontrole zaraznih i parazitarnih bolesti životinja na osnovu Zakona o veterinarstvu BiH ("Službeni glasnik BiH", broj 34/02) i njihovu provedbu u tekućoj godini na osnovu kojeg nadležna veterinarska organizacija izdaje Potvrdu o provedenim obveznim mjerama,
 - f) podnese prijavu početka proizvodnje kantonalnom ministarstvu na Obrascu P-1 najkasnije do 31.01. tekuće godine, (a za 2016. godinu Obrazac P-1 se podnosi najkasnije u roku od 10 dana od dana stupanja na snagu ovog Pravilnika i Zapisnik-ZAP

koji je već sačinjen za mjeru "Proizvodnja svježeg kravljeg mlijeka"), koji se ulaže u predmet.

- (2) Ovlašteni službenik je dužan u roku od 60 dana od dana podnošenja prijave početka proizvodnje na Obrascu P-1 i kopiju već sačinjenog zapisnika – ZAP za mjeru "Proizvodnja svježeg kravljeg mlijeka" uložiti u predmet (ovaj stav se ne odnosi na 2016. godinu).
- (3) Za ostvarenje prava na novčanu podršku klijent najkasnije do 10.04. tekuće godine (za 2016. godinu najkasnije u roku od 30 dana od dana stupanja na snagu ovog Pravilnika) dostavlja kantonalnom ministarstvu u originalu ili ovjerenoj kopiji i sljedeću dokumentaciju:
 - a) popunjen Obrazac zahtjeva za ostvarivanje prava na novčanu podršku (Z-1),
 - b) pasoše goveda (original pasoše klijent mora imati na farmi),
 - c) ugovor sa registrovanim otkupljivačem, odnosno prerađivačem kojem isporučuje mlijeko,
 - d) potvrdu o provedenim obveznim mjerama (dostavlja se neovjerena kopija),
 - e) potvrdu o izmirenim obavezama u skladu sa članom 11. stav (1) tačka j) ovog Pravilnika.
- (4) Kantonalno ministarstvo najkasnije do 01.05. tekuće godine (a za 2016. godinu najkasnije u roku od 45 dana od dana stupanja na snagu ovog Pravilnika), dostavlja Federalnom ministarstvu zahtjev propisan članom 9. ovog Pravilnika i obračun koji sadrži pojedinačne obračune za klijente na ovjerenom obrascu za animalnu proizvodnju.
- (5) Obračun novčane podrške za mliječne krave se vrši na osnovu podataka iz zapisnika- ZAP i broja zdravih grla iz Potvrde o obveznim mjerama.
- (6) Uz obračun iz stava (4) ovog člana potrebno je dostaviti i dokumentaciju iz stava (3) ovog člana u skladu sa članom 9. stav (4) ovog Pravilnika."

Član 7.

Iza člana 27. dodaje se novi član 27a. koji glasi:

"Član 27a.

Proizvodnja govedeg mesa – tov junadi od teladi iz uvoza

- (1) Pravo na novčanu podršku za proizvodnju govedeg mesa – tov junadi od teladi iz uvoza ima klijent koji pored općih uslova propisanih članom 11. ovog Pravilnika ispunji i sljedeće posebne uslove:
- a) utovi u jednom turnusu najmanje 10 grla iz uvoza i iste proda,
 - b) uvede u tov grlo težine do 300 kg,
 - c) drži junad u tovu najmanje 90 dana, (useljenje grla u jedan turnus može trajati najduže 10 dana),
 - d) ostvari najmanju izlaznu težinu tovljenika 450 kg,
 - e) izlazna starost tovljenika prilikom prodaje može biti maksimalno 18 mjeseci,
 - f) provodi mjere u skladu sa Naredbom o mjerama kontrole zaraznih i parazitarnih bolesti životinja na osnovu Zakona o veterinarstvu BiH ("Službeni glasnik BiH", broj 34/02) i njihovu provedbu u tekućoj godini na osnovu kojeg nadležna veterinarska organizacija izdaje Potvrdu o provedenim obveznim mjerama,
 - g) podnese prijavu početka tova na obrascu P-1 (koji se ulaže u predmet), pet dana prije završetka karantena, odnosno trenutka useljenja posljednjeg grla u turnus. Početak tova za grla iz uvoza se računa početak karantena, (za 2016. godinu prijava početka tova na navedenom Obrascu se podnosi nakon stupanja na snagu ovog Pravilnika).

- h) podnese prijavu završetka tova najkasnije 20 dana prije završetka tova na Obrascu P-1 kantonalnom ministarstvu koja se ulaže u predmet.
- (2) Ovlašteni službenik je dužan u roku od 20 dana od dana podnošenja prijave početka tova izvršiti obilazak mjesta proizvodnje klijenta i sačiniti zapisnik o početku tova - Obrazac ZAP i uložiti ga u predmet.
- (3) Ovlašteni službenik je dužan u roku od 20 dana od dana prijave završetka tova izvršiti obilazak klijenta i sačiniti zapisnik o završetku tova - Obrazac ZAP i uložiti ga u predmet.
- (4) Za ostvarenje prava na novčanu podršku klijent najkasnije do 01.10. tekuće godine, dostavlja kantonalnom ministarstvu u originalu ili ovjerenoj kopiji sljedeću dokumentaciju:
- popunjen Obrazac zahtjeva za ostvarivanje prava na novčanu podršku (Z-1),
 - pasoš za grlo u tovu - ovjerena kopija,
 - dokaz za kupljena grla u skladu sa članom 11. stav (1) tačka (c) ovog Pravilnika,
 - kopiju pojedinačnog ili skupnog obrasca za prijavu kretanja grla kupljenih za tov ili za prodatu junad i kopiju svjedočanstva o zdravstvenom stanju,
 - klijenti koji su uveli u tov grla iz uvoza, dužni su dostaviti i Rješenje kantonalnog veterinarskog inspektora o otvaranju i zatvaranju karantina,
 - dokaz o prodanoj junadi u skladu sa članom 11. stav (1) tačka (c) ovog Pravilnika, a klijent koji vrši preradu proizvoda, dostavlja knjigovodstvenu ispravu iz proizvodnje u preradu u skladu sa članom 2. stav (2) ovog Pravilnika,
 - potvrdu o provedenim obveznim mjerama (dostavlja se neovjerena kopija),
 - ažuriranu listu stoke u skladu sa članom 11. stav (1), tačka f),
 - potvrdu o izmirenim obavezama u skladu sa članom 11. stav (1) tačka j) ovog Pravilnika.
- (5) Kantonalno ministarstvo najkasnije do 20.10. tekuće godine dostavlja Federalnom ministarstvu zahtjev propisan članom 9. ovog Pravilnika.
- (6) Obračun novčane podrške za tov junadi se vrši na osnovu zapisnika-ZAP, broja zdravih životinja iz Potvrde o obavezanim mjerama i dokaza o prodaji/preradi junadi. Navedeni obračun sadrži pojedinačne obračune za klijente na ovjerenom obrascu za animalnu proizvodnju.
- (7) Uz obračun iz stava (6) ovog člana potrebno je dostaviti i dokumentaciju iz stava (4) ovog člana u skladu sa članom 9. stav (4) ovoga Pravilnika.
- (8) Kantonalno ministarstvo je dužno dostaviti popunjen Obrazac spiska započelih tovova (SZT) klijenata za svaki kalendarski mjesec i uputiti ga Federalnom ministarstvu najkasnije do 10-og u mjesecu za prethodni mjesec (Obrazac SZT se nalazi u prilogu ovog Pravilnika i čini njegov sastavni dio)."

Član 8.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 03-01-24/1-1971-1/16

26. septembra 2016. godine

Sarajevo

Ministar

Mr. sci. Šemsudin Dedić, s. r.

Temeljem članka 13. stavak 4. Zakona o novčanim potporama u poljoprivredi i ruralnom razvoju ("Službene novine Federacije BiH", broj 42/10), federalni ministar poljoprivrede, vodoprivrede i šumarstva donosi

**PRAVILNIK
O IZMJENAMA I DOPUNAMA PRAVILNIKA O NAČINU
I UVJETIMA OSTVARENJA NOVČANE POTPORE PO
MODELU POTICAJA PROIZVODNJI**

Članak 1.

U Pravilniku o načinu i uvjetima ostvarenja novčane potpore po modelu poticaja proizvodnji ("Službene novine Federacije BiH", br. 60/14 i 75/14) u članku 4. stavak (1) točka (1) u drugoj alineji iza riječi: "stočnog ječma", dodaje se zarez i riječ "zobi".

Članak 2.

U članku 5. točka 1) u prvoj alineji iza riječi mlijeka, dodaju se riječi: "i mliječne krave u sustavu otkupa mlijeka.", a u drugoj alineji iza teksta u zagradi (tov junadi iz domaćeg uzgoja), dodaju se riječi: "i tov junadi od teladi iz uvoza."

Članak 3.

U članku 11. stavak (1) iza točke i) dodaje se nova točka j) koja glasi:

"j) izmirio obveze kod nadležne Porezne uprave Federacije BiH za što dostavlja dokaz da nema dospjelih, a neizmirenih obveza za prethodnu godinu (za pravne osobe, obrte i fizičke osobe) i Uprave za neizravno oporezivanje BiH za što dostavlja dokaz da nema dospjelih, a neizmirenih obveza za prethodnu godinu ili dostavi valjan dokaz o reprogramu duga (za: pravne osobe, obrte i fizičke osobe koje su u sustavu PDV-a), odnosno dokaz da nisu u sustavu PDV-a (pravna osoba i obrt)."

Iza stavka (3) ovoga članka dodaje se novi stavak (4) koji glasi:

"(4) Klijent - fizička osoba ostvaruje pravo na novčanu potporu do maksimalnog iznosa od 6.000,00 KM u periodu od 01.10. prethodne do 01.10. tekuće godine."

Članak 4.

Članak 13. mijenja se i glasi:

"Članak 13.

Proizvodnja stočnog ječma, zobi i tritikale

- (1) Pravo na novčanu potporu za proizvodnju stočnog ječma, zobi i tritikale ima klijent koji pored općih uvjeta propisanih člankom 11. ovoga Pravilnika ispunjava i sljedeće posebne uvjete:
- da ima najmanje 1 ha zasijanog ječma, zobi ili tritikale,
 - da po jednom hektaru zasijanog ječma, zobi i tritikale, korisnik koji proizvodi za svoje potrebe u uzgoju ima najmanje 4 goveda; ili 20 svinja, ovaca ili koza (kategorije iz Obrasca 4 RPG i RK) u vrijeme sačinjavanja zapisnika o proizvodnji, osim za klijente koji proizvode za tržište, za što dostavlja dokaz o prodaji najmanje 3,0 t/ha ječma, zobi ili tritikale,
 - podnese prijavu početka proizvodnje kantonalnom ministarstvu na Obrascu P-1, ažuriranu listu korištenja iz RPG-a i RK najkasnije do 15.05. tekuće godine, koji se ulažu u predmet.
- (2) Ovlašteni službenik od strane kantonalnog ministarstva je dužan u tijeku vegetacije, a najkasnije u roku od 30 dana od dana podnošenja prijave početka proizvodnje izvršiti obilazak mjesta proizvodnje klijenta, sačiniti zapisnik o zasijanoj površini - Obrazac ZBP i uložiti ga u predmet.
- (3) Za ostvarivanje prava na novčanu potporu klijent najkasnije do 01.10. tekuće godine dostavlja kantonalnom ministarstvu u originalu ili ovjerenoj kopiji sljedeću dokumentaciju (osim za proizvodnju zobi u 2016. godini, za što je rok propisan u stavku (6) ovoga članka):